

PAGTULON-AN 15 — ANG MAHIMAYAONG GINGHARIAN NI SOLOMON (1 Mga Hari 1-12, 2 Cronicas 2: 11)

KATUYO-AN: Sa paghatag ug paglantaw sa umaabut nga usa ka libo ka tuig nga gingharian (Millenium).

Nakasulay na ba kamo pagdula nianang dula nga hari ug rayna? Makapahimuot kaayo ang pagbutang ug koronang bula-wan sa imong ulo ug magtakuban sa hunahuna nga ang tanang tawo motuman sa bisan unsa nga imong ipabuhat kanila. Nasay-ran na ba nimo nga ang tanang magtotoo magahari uban kang Cristo sa katungdanan nga labaw pa sa mga hari ug rayna niining kalibutan karon?

Sa dihang si David nahimo na nga hari sa Israel nangandoy siya nga magtukod ug templo sa Dios, apan ang Dios nakigsulti kaniya pinaagi sa mga manalagna nga nag-ingon, "Ikaw dili magtukod sa usa ka balay sa akong ngalan, tungod kay ikaw nagpaagay ug daghang uyamot nga dugo sa yuta... ania karon usa ka anak nga lalaki matawo kanimo... siya magatukod ug usa ka balay alang sa akong ngalan; ug siya akong anak nga lalaki ug ako mahimong iyang Amahan; ug lig-onon ko ang trono sa iyang gingharian sa ibabaw sa Israel walay katapusan." 1 Cronicas 22:6-12. Sa wala pa ang iyang kamatayon kini gipahibalo ni David ngadto kang Solomon ug siya iyang gidihugan sa pagkahari aron maoy mopuli sa iyang lugar. 1 Mga Hari 1:39.

Si Solomon nagsugod sa iyang pagmando ingon nga usa ka dalaygon ug walay ikasaway sa iyang pagkahari. Siya miadto sa Gibeon, ang dapit diin himoon ang pagsimba ug paghalad ug mga linibo ka mga halad nga sinunog. Dayon ang Dios mipakita kaniya pinaagi sa damgo ngadto kang Solomon ug nangutana unsa ang iyang pangayoon kay tugotan siya sa tanan niyang pangayoon. Si Solomon nangayo ug kaalam ug ang Dios mihatag niini ngadto kaniya ug gihatagan siya ug daghan kaayo nga mga bahandi, 2 Cronicas 1:7-12. Human niini miadto siya sa Jerusalem sa paghatag ug pagpasalamat. Wala dangti ug dugay gipatawag siya aron husayon ang dili pagsinabtanay sa duha ka inanan. Basaha

ang sugilanon nga nasulat sa 1 Mga Hari 3:16-27. Iyang giorganisar ang iyang gingharian. Siya adunay 40,000 ka mga kabayo ug mga karo alang sa panggubatan ug 12,000 ka mga mangangabayo. Ang iyang abut nga salapi P120,000,000 kada tuig. Ang iyang trono maputi ug gisapawan sa bulawan ug ang tanan niya nga baso nga ilimnanan pulos bulawan. Siya namulong ug 3,000 ka mga proverbio ug ang iyang awit (1005) usa ka libo ug lima. Iyang nalabwan ang tanang mga hari sa kalibutan sa kaalam ug bahandi.

Sa 1 Mga Hari 8:2, atong mabasa nga si Solomon nagtukod sa templo ug pagkahuman iyang gihalad ang maong templo kang Jehovah. Ang Arka sa Tugon gidala ngadto sa labing balaan nga dapit. Dihay mga pag-awit ug pagpatunog sa mga trumpeta sa mga sacerdote. Ang mga katawhan nanagsinggit sa pag-ingon, "Kay ang Dios maayo, ug ang iyang kalooy nagapadayon sa walay katapusan."

Ang himaya sa Ginoo nakapuno sa templo. Miluhod si Solomon ug nag-ampo sa mataas nga pag-ampo. Iyang nalantaw ang mga mahitabo ugma damlag sa iyang mga katawhan sa dihang ang Israel pagabihagon ngadto sa lain nga yuta ug siya nag-ampo nga ang Dios magapatalinghug kanila ug magatubag kanila nianang adlaw. Human niini ang kalayo miabut gikan sa langit ug nasunog ug naut-ut ang tanang mga halad. Ang mga sacerdote dili makasulod sa templo tungod kay ang templo sa Dios napuno sa iyang himaya.

Daghan kaayong mga hari ang miadto kang Solomon aron sa pagpamati sa iyang kaalam ug sa pagtan-aw sa iyang kabahandi-anon, 1 Mga Hari 10:1-23. Ug ang rayna sa Seba miadto aron sa pagsulay kaniya, 1 Mga Hari 10:1-8.

Imo bang nahinumduman ang atong ginaingon sa simbolo diha sa Biblia? Ang simbolo mao ang mga landong nga naghulagway sa dili pa moabut ang mga butang nga gihulagwayan. Ang gingharian ni Solomon usa ka simbolo o landong nianang usa ka daku nga GINGHARIAN SA LANGIT nga tukoron dinhi sa yuta. Imo bang nahinumduman nga ang Dios nagsaad ug gingharian ngadto kang Abraham, Isaac, Jacob ug David, usa kagingharian nga molungtud hangtud sa walay katapusan. Dinhi sa atong dibuho gihulagwayan ang maong saad ug gitawag nga PAHAHON SA MGA HARI ug kini nga gingharian sa langit ang templo ni Solomon pagatahuron sa mao nga dapit diha natukod sa Jerusalem.

Si Solomon naghulagway sa atong Ginoong Jesu-Cristo inig-anhi na niya aron sa paghari ingon nga Hari sa mga Hari ug Gingo sa mga kaginoohan ug ang tanan nga mga kanasuran sa kalibutan mamisita aron sa pagsimba ug paghimaya Kaniya. Nalibog ba ikaw kon asa kita nianang panahona? Tan-awa ang

LANDIGANAN SA GRASYA sa atong dibuho. Ang tanang katawhan nga nagatoo ug nagadawat kang Jesu-Cristo ingon nga ilang bugtong nga manluluwas niining panahona sa Grasya makasakay nianang aeroplano nga gitawag ug SAKYANAN SA MGA LUWAS. Moabut ang adlaw nga ang tanang naluwas pinaagi sa Grasya tungod sa pagtoo pagatigumon ug sa usa ka pagpamiok lalinon sa pagsugat sa Ginoo sa kapanganuran ug mahiusa kang Jesus ug magapakig-uban Kaniya — ingon nga sakop sa LAWAS NI CRISTO. Dayon human nga kita pagalalinon sa Langit si Cristo moanhi sa kalibutan, nga mao pa ang iyang ikaduha nga pagbalik, aron sa paghari sa nasud sa Israel ug sa tanan nga mga kanasuran nga wala mahi-apil sa paglalin sa LAWAS NI CRISTO. Ang tanan nga dili motoo sa Maayong Batila nga giwali ni Apostol Pablo, kay ang mao nga balita lahi man sa balita nga giwali sa 12 ka apostoles, silang tanan nga dili mati-noohon dili mahisakop sa LAWAS NI CRISTO ug dili usab mahi-apil nianang paglalin kanato aron sa pagsugat sa Ginoong Jesu-Cristo sa kapanganuran. Kay ang pagkalungsuranon sa Lawas ni Cristo langitnon ug ang pagkalungsuranon sa mga Judio yutan-on kay pagahari-an man sila ni Cristo sa Jerusalem sulod sa usa ka libo ka tuig ingon nga katumanan sa panagna, ug hangtud sa walay katapusan.

Samtang kita nagpaabut sa Iyang pagpadayag sa kapanganuran, aron pagkuha kanato, naghango Siya nga kita magmatinumanon sa atong pagkatinugyanan, sa pagwali sa Maayong Balita aron ang tanang tawo maluwas pinaagi sa Grasya tungod sa pagtoo pinaagi sa pagdawat sa Ginoong Jesu-Cristo nga manluluwas; ug dili sa mga binuhatan aron walay bisan kinsa nga magapasigarbo.

Atong nakita ang himaya sa Dios nga mipakita kang Solomon tungod kay siya nagmatinumanon sa mga sugo sa Ginoo. Sa sunod nga pagtulon-an atong mahibaloan ang iyang gidangatan sa dihang misupak siya sa kabubut-on sa Dios. Samtang atong tapuson kining ikanapulo ug lima (15) nga pagtulon-an sa atong pagtuon sa MATAAS NGA DALAN SA KINABUHI, hinaut unta nga nasiguro na ikaw sa imong kaluwasan ug paglaum nga langitnon. Dili malisud ang pagkahimong Iyang anak, dawata si Cristo nga imong bugtong nga manluluwas, ug magatoo nga Siya namatay tungod sa imong mga sala ug nabanhaw aron sa pagpala sa tanan nimong kasal-anan; aron sa paghatag ug bag-o nga kinabuhi. Siya nagpakamatay sa imong mga sala aron ikaw maluwas ug mabanhaw aron ikaw makabaton ug bag-o nga kinabuhi. Kini imong mabatonan kon motoo ka ug dawaton nimo si Cristo nga imong manluluwas. Human niini mahimo na ikaw nga anak sa Dios, pinalit sa Iyang mahal nga dugo, ug manununod sa mga langitnong dapit diha Kang Cristo Jesus.

SAG-ULOHON: "Ug nga kon kita mga anak, nan, mga manunud sa Dios ug mga isigkamanunud, uban kang Cristo, kon moantus man kita uban Kaniya aron pagahimayaon usab kita uban Kaniya." Roma 8:17.

PAGTULON-AN 15 — PAGATUBAGON

Susiha ang mga bersikulo ug idugang ang husto nga mga pulong aron makompleto ang mao nga grupo sa mga pulong.

1. Ang Dios midumili pagtugot kang David sa pagtukod sa Templo tungod kay siya _____

1 Cronicas 22:8.

2. Ang Dios nag-ingon nga ang anak ni David si _____ ang iyang ngalan mao ang magatukod. 1 Cronicas 22:9.

3. Ang Dios nag-ingon nga ang trono ni Solomon Iyang lig-onon ibabaw sa Israel sa _____

1 Cronicas 22:10.

4. Si Solomon naghangyo sa Dios nga siya hatagan ug _____ aron ako mosuled ug mogula sa atubangan niining katawhan.

2 Cronicas 1:10.

5. Ang pagpaila sa Dios nga Siya nahimuot sa mga halad ug mga pag-ampo ni Solomon pinaagi sa pagpadala ug _____

2 Cronicas 7:1.

6. Ang Dios nagpahibalo ngadto kang Solomon, "Ug kon ikaw magalakat sa akong atubangan ug magahimo sa _____ unya tukoron ko ang trono sa imong gingharian apan kong kamo

_____ nan kuhaon ko sila sa mga gamot gikan sa akong yuta nga akong gihatag kanila." 1 Cronicas 7:17-20.

7. Ang gingharian ni Solomon maoy usa ka landong o simbolo nga naghulagway sa daku nga panahon nga umalabut diin si Cristo magahari sulod sa (1,000) usa ka libo ka tuig ug ang yuta _____ Isaias 11:9.

_____, ug sa ingon niini kita _____

_____, sa tanang panahon, 1 Tessalonica 4:17.

9. Samtang kita nagapaabut nianang paglalin kanato sa kapanganuran, ang Dios naghangyo kanato nga mahimong iyang mga _____ nga pinadala ni Cristo. 2 Corinto 5:20.

10. Isulat nga SINAG-ULO ang Roma 8:17.